

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Dan. Stalii Regulae Philosophicae explicatae & Orationes
aliquot**

Stahl, Daniel

Jenae, 1662

Regula V. De differentia non praedicatur genus ibid

urn:nbn:de:bsz:31-102400

II. Loquitur Regula non de accidentali *absolute*: cum enim multe species sint accidentia, etiam differentia earum sunt aliquid accidentale, h. e. in predicamento accidentis. Loquitur igitur Regula de eo, quod *absolvi* accidentale quid est. Speciei non est differentia accidentalis, h. e. non est extra ejus essentiam, & ratio est, quia essentiam speciei constituit, & secundum rem est ipsa speciei essentia.

III. Dicitur autem: *quod differentia non sit accidentalis speciei*. Nam si respectu generis consideretur, tunc aliud dicendum est. Geni enim differentia accidentalis est, cum ita de eo predicetur, ut sit extra essentiam ejus constituta: sicut patet de rationali, quod de essentia animalis non esse, in confesso apud omnes est.

REGULA V.

De differentia non predicatur genus.

ibid. §. 13.

Prædicatione scilicet *naturali & ordinata*. Negari enim non potest, genus de differentia prædicari: ut *rationale est animal*, *discretivum visus est color*; sed hæc prædicationes sunt innaturales seu inordinatæ & contra ordinem: prædicatur n. in iis terminis absolutus & substantivus de adjectivô & denominativô; quâ de re vid. DuTrieu *Manud. Tract. I.*

VV 4

R. I. c. II.

P. I. c. II. a. II. Hujusmodi præterea prædicationes non sunt *in quid*, cum omne, quod in quid de aliquò prædicatur, aut totam essentiam & rationem ejus exprimat, (sicut patet de definitione respectu definiti) aut in ratione & essentiâ ejus includatur: quemadmodum patet de genere respectu speciei. At genus nec totam differentiam rationem dicit, nec in eâ includitur, cum genus & differentia sint conceptus formaliter contradistincti, & ex iis species secundum rationem & conceptus nostros componatur.

REGULA VI.

Differentia est posterior genere, & prior specie ibid. 16.

Hoc, quia differentia constituit speciem, omne autem constituens est prius constitutò. Illud, quia sicut à genere ad speciem, ita etiam à genere ad differentiam non reciprocatur essendi consequentia. Nam valet v. g. *Rationale est. E. est animal.* Sed non vice versâ: *Animal est. E. rationale est.* Sicut igitur genus est prius specie, ita & differentiam prius est, & per consequens differentia est genere posterior. Vide ea, quæ *Disp. præced. Reg. III.* diximus.

REGU.